



28. juli.2010

UKA 2010/59

Inatsisartut Suleriaasianni § 32 naapertorlugu aalajangiiffigisassatut siunnersuut imattoq matu-muuna saqqummiupparput:

Utoqqalinersiallit siusinaartumillu suliunnaarnersiutillit pillugit inatsisit atuuttut allanggor-tinneqarnissaat pillugu, taamaalluni utoqqalinersiallip, aapparisap najugaqatigisalluunniit akileraarutaasussaasumik isertitaqarnermigut ilanngaavagineqartarnerisa atorunnaarsin-ne-qarnissaat pillugu Naalakkersuisut siunnersuusioqqullugit Inatsisartut aalajangiiffigisassa-at-tut siunnersuut.

(Siumup Inatsiartunut ilaasortaatitai)

Tunngavilersuut:

Ileqqut pissutsillu inuiaqatigiinni nutarterlutillu allanggoriartortuarput. Ukiuni makkunani nunarput sukkasoorujussuarmik ineriertortinnejarlunilu siuariartortinnejarnissaminut piareersarneqarpoq. Ukiualunnguit qaangiuppata inuussutissarsiornikkut siuarsaanissatut siunnerfiit piviusunngortinne-qarpata nunatsinni sulisussaaleqilersussaasugut naluneqanngilereerpoq.

Suliffiutillit kikkut tamarmik sulisinnaasut inuiaqatigiinni sulisinnaanerat annertunerujartortumik atorfissaqartikkiartuinnartussavaat, taamaattumik isertitassatigut aningaasanik pilersitsisinnaaner-mik killilersuinerit pinaveersaartariaqarpavut, siunissami utoqqalisut amerliartuinnartut inuusunne-rusllu ikiliartortut inuiaqatigiinni akuulersussaapput. Utoqqalinersialllumi aamma sulisartutut i-nuunerup kingorna inuunermut isiginneriaasaat allanggoriartorpoq. Utoqqaat siusinaartumillu su-liunnaarnersiutillit amerlanerujartortut inuiaqatigiinni akisussaaqataanermennik takutitsillutillu tigu-serusuttu amerliartorput suliffeqarfinni ataqatigiinnermut allatigullu tunniussinermikkut.

Taamaattumik Siumup inuiaqatigiit tamakkiisumik isigalugit soqutigisaraa utoqqartatta akileraaru-tasussaasumik isertitaqarsinnaanissaannut periarfissaqarnissaq.

Siumumiit isumaqarpugut utoqqaat akornanni inuunerup qanoq ingerlannisaannik eqqarsartaatsip allanggoriartornera inuiaqatigiinnut periarfissanik annertuunik tunisisoq, taamaattorli inatsisitigut aaqqissuussinitsigut pinngitsoortittakkatsinnik. Taamaattussaannarmik eqqarsartaaseq qaangerlugu nutaaliorta inatsisitigullu aaqqissuussisimanerput nutaamik isilerluta eqqarsaetersorfigalugu, taa-maalilluta utoqqalinersiat pillugit inatsisit aamma inuiaqatigiinnut killiliisussaajunnaarlugit iluaqu-tissanngorlugillu aaqqissuullugit.

Sulinermik inuussutissarsiornermik aaqqissuussisimanerput tunngaviatigut ima ilusilersorsimavar-put, tassa, inuit ataasiakkaat aalajangertariaqalersillugit utoqqalinersialittut inuuneqalersittariaqaler-lugit immaqaluunniit sulinermik suli inuussutissarsiuteqarlutik inuuneq ingerlattariaqarlugu, taama eqqarsartaaseqarneq qanganisarsiortuovoq, suliffeqarnermi/sulisoqarnermilu eqqarsartaatsinut ato-runnaarsimasunut ilaalluni. Allannguilernerit tamat oqallisigisaat atorluartigit nutaaliortatalu.

Ukiuni kingullerni utoqqalinersiallit siusinaartumillu suliunnaarnersiutillit pillugit allannguuttitut a-tuutilersinnikuusavut ajoraluartumik kissaatigineqartumit allarluinnarmik kinguneqarput, tassani peqqutaanerpaavoq utoqqalinersiallit siusinaartumillu suliunnaarnersiutillit pillugit inatsimmi akile-raarutaasussaasumik isertitaqartoqartillugu utoqqalinersiat ikiliartortinnejartarnissaannik malerua-gassat tunngavimmikkut allanngortinneqanngimmata, tassani kissaatigagaluarlutigu utoqqartatta siusinaartumillu suliunnaarnersiutillit pitsaanerusumik atugaqarlermissaat.

puiorneqassanngilaq akornatsinni soorunami aamma utoqqartaqaratta ukiorpassuarni sulerulussi-mallutik aamma suliunnaernerminnik iluarismaarinnittunik, aamma qutsatissaqarfugalugillu suliun-naarsimanerminni eqqissillutik utoqqalinersiatik atorlugit inuuneqarnissaat ajornerulersinneqassan-ngilaq.

Namminersorneq pillugu Isumalioqatigiissitap innersuussutaasa ilaanni ima allassimasoqarpoq: “*Kikkut tamarmik inuiaqatigiünnut pilersueqataassapput*”. Ullumikkulli inuiaqatigiinni aaqqis-suussisimanitsinni inuit ataasiakkaat utoqqalisimagaluarlutik sulerusussuseqartut pilersueqataaru-susseqartullu killilorsorpavut.

Siumumiit isumaqpugut aningaasalersorneqarnissaa akileraarutit isertitassat annertusinerisigut siunnersuutillo kingunerisaanik allaffissornikkut oqilisaassinnikkut naammassineqarsinnaasoq.

Siunnersuut Inatsisartunit oqallisigineqarluarlunilu ilassilluarneqarumaartoq neriuutigalugu taama Siumumiit saqqummiussivugut.